



RESOLUCIÓN REITORAL

DELEGACIÓN SOBRE A XESTIÓN DE CRÉDITOS E MODIFICACIÓNS ORZAMENTARIAS PARA O ORZAMENTO PRORROGADO DE 2011 PARA O EXERCICIO DE 2012

02/01/2012

Por Resolución reitoral do 26/12/2011 prorrógase o orzamento da Universidade da Coruña do exercicio de 2011 ata a aprobación do orzamento para o ano 2012, da que se deu conta ao Consello Social desta universidade.

Os artigos 36.1 l) e n) e o 112.2 do Decreto 101/2004, do 13 de maio, modificado polo Decreto 194/2007, do 11 de outubro, que aproba os Estatutos da Universidade da Coruña, sinalan que "lle compete ao reitor, entre outras, a función de autorizar os gastos e ordenar os pagamentos en execución do orzamento da Universidade", e que "esta función, se é o caso, poderá delegala".

A disposición adicional segunda das Bases de execución do orzamento do exercicio de 2011, prorrogado para o exercicio de 2012, refírese, por unha banda, á asignación da xestión de créditos orzamentarios mediante resolución reitoral aos centros de gasto e, pola outra, a que a relación de centros de gasto vixente con data do 01/01/2012, que se relaciona no anexo I desta resolución, se poderá modificar mediante unha nova resolución.

Ao existiren diversos órganos unipersoais con delegación de competencias en diversos ámbitos universitarios (investigación, profesorado, estudantes etc.), cómpre asignarlles de xeito selectivo a xestión dos créditos que teñan relación coa súa actividade universitaria para un mellor cumprimento das finalidades que se lles encomendan. Así mesmo, ao existir unha descentralización ou desconcentración de determinados créditos orzamentarios procede igualmente asignar a súa xestión para un mellor cumprimento da finalidade encomendada.

Consonte o anteriormente exposto e de conformidade co que se dispón no artigo 13 da Lei 30/1992, do 26 de novembro, modificada pola Lei 4/1999, do 13 de xaneiro, de réxime xurídico das administracións públicas e do procedemento administrativo común, sobre delegacións de competencias, esta reitoría,



RESOLVE:

PRIMEIRO.- Delegar a competencia de autorización do gasto, disposición do gasto, recoñecemento da obriga e proposta de pagamento nas distintas direccións de centros de gasto, que posúen un código de centro (CC) ou subcentros aos cales se lles asignan a xestión de créditos no estado de gastos do orzamento aprobado polo Consello Social con data do 21/12/2012, e que seguidamente se relacionan:

CONSELLO SOCIAL (CC. 9800)

REITOR (CC. 9850)

SECRETARÍA XERAL (CC. 9855)

VICERREITORÍA DE INFRAESTRUTURA E XESTIÓN AMBIENTAL (CC. 9810)

VICERREITORÍA DE ORGANIZACIÓN ACADÉMICA E TITULACIÓNS (CC. 9820)

VICERREITORÍA DE CALIDADE E NOVAS TECNOLOXÍAS (CC. 9830)

VICERREITORÍA DE ESTRATEXIA E PLANIFICACIÓN ECONÓMICA (CC. 9840)

VICERREITORÍA DE PROFESORADO (CC. 9860)

VICERREITORÍA DE ESTUDANTES E RELACIÓNS INTERNACIONAIS (CC. 9870)

VICERREITORÍA DE INVESTIGACIÓN (CC. 9880)

VICERREITORÍA DE CULTURA E COMUNICACIÓN (CC. 9890)

VICERREITORÍA DE FERROL E RELACIÓN UNIVERSIDADE-EMPRESA (CC. 9835)

Tamén xestionarán os créditos que, como consecuencia da execución orzamentaria (modificacións orzamentarias), se lles asignaren e aqueles que resultaren do proceso da incorporación de créditos a este exercicio.

SEGUNDO.- Delegar a competencia da autorización do gasto, disposición do gasto, recoñecemento da obriga e proposta de pagamento nos decanos das facultades, directores de centros, directores de departamentos, directores de proxectos, infraestruturas e axudas de investigación, convenios, contratos, axudas, subvencións e cursos, para os cales figura asignado crédito no orzamento que se aprobou desta universidade. Así mesmo, naqueles xestores doutros créditos como consecuencia da execución do orzamento de ingresos e gastos, se lles asigne especificamente mediante a correspondente modificación orzamentaria, e os que se determinen na relación como consecuencia da incorporación de créditos para este exercicio económico.

TERCEIRO.- Delegar na xerenta a competencia de autorización, disposición do gasto, recoñecemento da obriga e proposta de pagamento que corresponden aos créditos orzamentarios dos servizos centrais (CC. 9845) e que non figuren incluídos nos parágrafos primeiro, segundo e cuarto desta resolución, así como os de carácter non-orzamentario.



A xerenta tamén xestionará os créditos que como consecuencia da execución orzamentaria (modificacións orzamentarias) se lle asignaren e aqueles que resultaren do trámite de incorporación de créditos a este exercicio.

Finalmente, delégase, tamén na xerenta, ordenar os pagamentos de todos os expedientes de gasto orzamentarios e non-orzamentarios.

CUARTO.- Coa finalidade de facilitar a tramitación dos expedientes de gasto imputables ás aplicacións orzamentarias 9845.422D.233.02 (prazas docentes) e 9845.422D.233.03 (teses de doutoramento) desde os distintos centros e posibilitar a súa tramitación polos distintos usuarios de UNIVERSITAS XXI-ECONÓMICO, delégase a competencia da autorización do gasto, disposición do gasto, recoñecemento da obriga e proposta de pagamento nas direccións de centros de gasto (decanatos de facultades, direccións de escolas técnicas superiores, direccións de escolas universitarias e direccións de institutos universitarios).

Xunto con cada un dos documentos contables (ADO) que formalicen os expedientes de gasto correspondentes ás prazas docentes e ás teses de doutoramento, achegarase a documentación xustificativa que lle corresponda individualmente, ben en orixinal, ben en fotocopia para a súa constancia e posterior arquivo da documentación contable.

QUINTO.- A respecto dos créditos que aparecen asignados especificamente no orzamento do exercicio do 2011, prorrogado para o exercicio de 2012, aos institutos universitarios (9880.9922, 9880.9924, 9880.9926, 9880.9927, 9880.9928, 9880.9929), centros de investigación (9835.9903, 9835.9904), servizos de investigación (9835.9910, 9880.9930), Observatorio Ocupacional (9835.9904.01) e Centro de Linguas (5040.9961), esta reitoría delega a autorización do gasto, disposición do gasto, recoñecemento da obriga e proposta de pagamento nas súas direccións para unha mellor xestión dos créditos orzamentarios.

Tamén xestionarán os créditos que como consecuencia da execución orzamentaria (modificacións orzamentarias) se lles asignaren e aqueles que resultaren do trámite da incorporación de créditos a este exercicio.

SEXTO.- Encomendarlle á Vicerreitoría de Estratexia e Planificación Económica e á Xerencia a realización de todos os trámites orzamentarios necesarios para facer executiva esta resolución.

SÉTIMO.- Para os efectos do disposto nas Bases de execución do orzamento do exercicio de 2011, prorrogado para o exercicio de 2012, e coa finalidade de unificar a tramitación



económico-administrativa sobre modificacións orzamentarias, dada a delegación do Consello de Goberno na Vicerreitoría de Estratexia e Planificación Económica en materia de modificacións orzamentarias (base 9.^a), esta reitoría delega na dita vicerreitoría a determinación do crédito ao que se lle deberá imputar o pagamento das obrigas a que se refire a base 5.3, a autorización e aprobación dos expedientes de transferencias de crédito entre aplicacións orzamentarias pertencentes ao mesmo ou a distintos centros de gasto, programas e/ou capítulos do estado de gastos (base 6.4), xeracións de crédito (base 11.4 e 5), e corrixir as carencias nas asignacións de créditos descentralizados (base 15.2).

A Coruña, 2 de xaneiro de 2012

O reitor



 UNIVERSIDADE DA CORUÑA

José María Barja Pérez